



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 57. Defuncti Regis Eduardi exequiæ Westmonasterii celebratæ.

[urn:nbn:de:hbz:466:1-66577](https://nbn-resolving.de/urn:nbn:de:hbz:466:1-66577)

Sæcul. XVI
A.C. 1553.

buta, hinc Regina mox ea restituit, re-
censque hunc Episcopatum erexit, in
publicis suis literis allegans, quod hæc
bona duntaxat fuissent suppressa per im-
portunitatem quorumdam impiorum,
qui ex spoliis hujus Ecclesie ditescere
cupiebant. Præterea hæreticorum Prä-
cones ad populum dicere prohibebantur,
& Gardinerus, qui regni Cancellarius
nominabatur, Mariæ Reginæ jussu præ-
dicandi facultatem regio sigillo muni-
tam illis concedebat Theologis, quos
prudentia, scientia, ac solertia claros,
atque ad annuntiandum Dei Verbum
idoneos judicabat: porro cum nonnulli
Protestantium spreto hoc mandato pa-
lam e suggestu declamare præsumerent,
comprehensi carceribus includeban-
tur, nec minus Senatus Coverdalum
Exoniæ, & Hooperum Glocestriæ Epi-
scopos comparere jubebat, cum ergo
illi die vigesima nona, & trigesima Au-
gusti advenirent, horum postremus cu-
stodiæ dabatur, alter vero absque Se-
natus venia domo sua exire prohibitus
fuit. Hac igitur ratione sensim Religio
Catholica reflorescere cœperat.

§. LVII.

*Defuncti Regis Eduardi exequia
Westmonasterii celebratae.*

Regina

Regina pro defuncto Rege Eduardo **Sæcul. XVI.**
exequias die octava Augusti in tur- **A.C 1553.**
ri ritu Romano-Catholico celebrari vo-
luit, ac præterea, cum eadem die
Eduardi Corpus Westmonasterium de-
ferretur, atque ibidem funebria justa
die duodecima ejusdem Mensis pera-
genda indicarentur, Senatus tum quo-
que eosdem ritus Catholicos observari
præcepit. Obluctabatur tamen vehe-
menter Cranmerus Cantuariensis Archi-
episcopus, caussatus, quod Eduardus
novam Reformationem summo labore
invexisset, novaque liturgia regii Sena-
tus auctoritate suisset stabilita. Præva-
luit quoque ejus sententia, imo & ip-
sus funebris hujus obsequii solemnia
peragebat, illisque, qui Cœnam sumere
cupiebant, eam porrigebat. Aderant
hinc exequiis Viacomiensis Marchio
supremus regii thesauri Præfectus, nec-
non Saresberiensis, & Pembruchianus
Comites, omnes lugubrem habitum in-
duti: Dajus vero Cicestriensis Episcopus,
qui proxime Sedi suæ restituendus erat,
felicebatur, ut oratione funebri Eduar-
do parentaret, quem etiam plurimum
deprædicans illum, quantum valuit, ex-
cusabat, totamque culpam in Ministro-
rum ambitionem rejiciens eos tanquam
omnium corruptelarum, quæ hucusque
fuerant invectæ, Auctores redarguebat,

tan-

Sæcul. XVI tandem vero in amplas Reginæ laudes
A. C. 1553. excurrens populo quietos, ac prosp-
ros vitæ dies pollicebatur.

§. LVIII.

*Reginæ declaratio in favorem Rel-
gionis Catholicæ.*

Cum Regina in Senatu declarasset,
quod neminem ad amplectendam
fidem Catholicam cogere vellet, hinc
non deerant Protestantum nonnulli,
qui sibi perperam persuadebant, quod
suam hæresin profitendi libertas ipsis
concederetur: alii vero magis providi-
haud temere suspicabantur, quod sibi
hanc indulgentiam minime polliceripos-
sent: porro, quod sua eos opinio haud
sefellerit, sat manifestum siebat ex de-
claratione, vi cuius Regina die decima
octava Augusti ita palam profitebatur:
„Eandem teneo fidem, in qua ab incu-
„nabulis fui enutrita, atque in ea usque
„ad extreum vitæ meæ halitum per-
„sistere cupio: Vehementer autem ex-
„opto, ut eandem quoque Religionem
„in spiritu charitatis omnes mei subditi
„profiteantur: de cetero ut meam am-
„plectantur fidem, neminem cogere in-
„tendo, donec omissa per Senatus au-
„toritatem communi consensu fuerint
„stabilita Interea vero vobis præcipio,
„ut nullos suscitetis tumultus, sed potius in